

44.37173  
1020  
31

Handwritten text in a cursive script, possibly a list or ledger, with faint lines suggesting a grid or columns. The text is mostly illegible due to fading and bleed-through from the reverse side.

A vertical strip of lined paper, likely a page from a notebook or ledger, showing horizontal ruling lines. The paper is off-white and appears to be part of a bound volume.

鑽 時

卯 餘

齊 偶

先謙少者吟詠願弗習倚聲偶涉筆非所好也官京師時  
從周自菴先生遊先生晚病廢不能多治書暇輒作小詞  
強先謙與酬答嘗語先謙吾詞不主故常用自娛而已然  
清妙處自謂不減宋人因言道咸間與孫芝房侍讀李舜  
卿孝廉諸人爲文字飲每舜卿一詞出芝房及余皆斂手  
歎服芝房歸卒舜卿以盲廢且死三十年無此樂矣芝房  
遺集刻於湘中惜舜卿詞無傳本子盍求之先謙心識不  
敢忘張雨珊曰吾於鄉先輩詞最推舜卿先生近人中服  
膺者王王秋杜仲丹其尤也雨珊每入都必以近作詞示  
先謙未嘗不工先謙既解官歸雨珊過從逾密索其詞視  
前所見且倍蓋生平於此尤專精云芝房先生與雨珊姻  
也雨珊訪諸其家又得其未刻詞數首貽先謙王秋仲丹

序

先謙少者吟詠願弗習倚聲偶涉筆非所好也官京師時  
從周自菴先生遊先生晚病廢不能多治書暇輒作小詞  
強先謙與酬答嘗語先謙吾詞不主故常用自娛而已然  
清妙處自謂不減宋人因言道咸間與孫芝房侍讀李舜  
卿孝廉諸人爲文字飲每舜卿一詞出芝房及余皆斂手  
歎服芝房歸卒舜卿以盲廢且死三十年無此樂矣芝房  
遺集刻於湘中惜舜卿詞無傳本子盍求之先謙心識不  
敢忘張雨珊曰吾於鄉先輩詞最推舜卿先生近人中服  
膺者王王秋杜仲丹其尤也雨珊每入都必以近作詞示  
先謙未嘗不工先謙既解官歸雨珊過從逾密索其詞視  
前所見且倍蓋生平於此尤專精云芝房先生與雨珊姻  
也雨珊訪諸其家又得其未刻詞數首貽先謙王秋仲丹

適在長沙先謙又皆求其詞讀之李君後屏舜卿先生之  
從孫也亦自新化以先生詞至先謙因丐雨珊選自菴先  
生詞尤佳者都六家爲一集柴之聞見所未及則俟它日  
采補焉昔新安孫默輯王漁洋以次十五家詞自三家六  
家遞增閱十四年而後成先謙此刻猶默意也雨珊言向  
不識仲丹巴陵逆旅中間人誦新詞詢知爲仲丹作遂往  
見定交又言吾多識海內詞人異時必助子訪求成巨集  
嗚呼若雨珊可謂篤於好善矣光緒十六年歲次庚寅春  
二月長沙王先謙謹敘

題詞

摸魚兒

夢游仙步虛天遠聯翩秦女煙霧遺聲散作人間曲依約  
彩幃畱駐新按譜試唱賭旗亭儘讓雙鬢度從今樂府說  
水皺風吹雲微山抹都是錦囊句 眞堪笑老我儒冠不  
誤平生文字知故娜嬛曾記當年到教作掌書都護緣可  
悟便綺語消磨也勝閒情緒前身印取問佳到秦黃干卿  
甚事徒步海鹽路

爵里姓氏志略

孫鼎臣字芝房湖南善化人道光乙巳進士官翰林院侍讀著有蒼筤詞鈔

周壽昌字自菴湖南長沙人道光乙巳進士官內閣學士兼禮部侍郎銜著有思益堂詞鈔

李洽字舜卿湖南新化人道光丙午舉人著有擣塵集詞鈔

王闓運字壬秋湖南湘潭人咸豐丁巳補行壬子乙卯舉人著有湘綺樓詞鈔

張祖同字雨珊湖南長沙人同治壬戌補行己未舉人著有湘雨樓詞鈔

杜貴墀字仲丹湖南巴陵人光緒乙亥舉人著有桐花閣詞鈔

蒼筤詞鈔

杏花天

清明。

禁煙時節。花飛絮。又一點分來宮炬。冶春心事。低迷處。豆蔻梢頭風雨。漸移了。暖紅簾幕。又間了。踏青簫鼓。鶯鶯燕燕。都來訴。無計將伊分付。

南浦

次顧子山和玉田春水韻。

暗渡柳梢春。只欄邊鬪鴨。今朝先曉。新綠沒篙痕。漁梁外。殘雪東風全掃。魚鱗漸起。嫩紅一點。溪桃小。早有漁榔句。引出來。問落英芳草。春風底事。干卿把鏡裏。新蛾無端。繡了。南浦。畫船橫垂楊岸。已是玉驄嘶到。蘅皋路。渺江梅。

善化

孫鼎臣

子餘



青子流鶯悄。料得浣紗溪畔石。後日來時應少。

金縷曲

秋柳次張仲遠韻。

明月揚州路。是何人玉簫低咽。傷心金縷司。李風流銷沈。後一片竹西煙雨。又瑟瑟江天遲暮。繡陌弓腰。看不見上寒潮。淅淅荒江渡。霜信緊。角聲苦。長隄曾繫龍鱸處。數前游。鈿箏北里。畫船南浦。十里春波明如鏡。照見樊娘眉。嫵恨殘照西風無緒。舊事蕪城重觸。恁柔絲不縮。人愁住。歌板在。忍重訴。

解佩令

柳。

春波南浦。輕塵亭塢。約空煙盪成柔縷。一晌青青。不會得別離情苦。送斜陽白門春暮。紫鞭停處。碧衫凭處。鎮低

迷天涯歸路。淚眼東風隨曉夢。化成飛絮。更何時化將愁去。

西湖月

本意。

平湖澹澹寒光浸。十里長隄。晶瑩如許。藕花香滿三更畫。舫一枝柔橈。柳汀蘆澈。外暗照見鴛鴦雙宿。處但怪得隱隱歌聲漸入段家橋路。羅裳乍倚西風便忘。去了湖中一天秋露。彩雲休散。還愁寂靜白鷗無主。采菱人去。遠尙暗想凌波前日步。賸蕭瑟鱗火漁燈。夜深來去。

百字令

題朱竹垞靜志居琴趣後。

紅嬌綠怨。有芳魂一縷。苦縈湘管。歌板酒旗零落盡。忍把瑤箏重按。舊枕痕乾。曲屏塵掩。心事空銀漢。彩鸞卷裏。問



眞眞可能喚。休道柳絮羞狂。蓮心茹苦。省識情長。短減字。偷聲尋笛譜。曲曲春風。腸斷紅豆。嗁煙青箋。斫露心字。香難散。三生片石。定應他日相見。

又

九日集福善寺懷沈栗仲先生。

寺門疏柳作輕煙。淡雨過江秋。色黃葉聲中人。載酒來問籬東消息。落帽風高。寒沙平楚。斷雁如殘客。茱萸醉把人生嘉會難得。回首前度琴尊。柴桑歸去。縹緲飛鳧。隔山色。綠蘿無恙。在看我登臨。此日佛火深龕。鐘樓返照。短衲僧頭白。蒲團閒話。雪鴻猶認遊迹。

探春慢

春煙。

夾水樓臺峭。寒城郭。平林淺蘸如畫。似有還無。欲開仍合。

膩住垂楊無賴。微雨空濛裏。便忘了踏青挑菜。釀成十日春陰。牡丹芳意偷解。迢遞板橋西畔。捲一桁碧波。銀蒜高挂。雁趁疏鐘。鴉拋殘墨。盈望亂山暮靄。好是愁人也。漸暝入碧紗窗外。甚日歸來。淡痕掃上眉黛。

疏影

春露。

海棠庭榭看黃昏。月上涼玉微瀉。奪得燕支。懶髓和勻。風容十倍輕冶。畫欄不覺羅裙澆。只怪道寒添今夜。滑盈盈。一道蒼苔。銀砌等閒休下。瓶竇井華新汲。起來對寶鏡。蛾綠新寫。小朵斜簪。禮豔未乾。便覺鬢雲低亞。洛妃無語。凌波遠。見說弄明珠。盈把。但憑伊散入花間。莫上相思鮫帕。

河傳

春去。

春去何處雨溟濛。深徑鶯囀亂紅。二十四番花信，風惺忪。海棠愁正濃。遙想翠樓天共遠，腸欲斷。春緒隨春換。兩相思。春不知。不知。含情當語誰。

湘月

梅花。

素琴膝上。悄偎人寒玉。疏影簾際漸近。春宵三九。後月色便多歡喜。綠萼分攜蠟書不到。夢裏江南水綺窗。微雪不知此日開未。孤負湖上青山。疏枝冷蕊。正東風初試。鶴病新蘇。可耐得凍石清泉滋味。詞筆粗疏。笛家哀怨。心緒都難寄。無人林下一雙翠羽飛起。

湘月

送朱石禪歸長沙。

嶽雲如畫。記蒼葭谷裏。曾種叢竹。老鶴歸來。那見我兩鬢絲絲新綠。杜若寒沙。蘼蕪曉露。夢斷平汀。曲數重山色。幾回寫入橫幅。輸與一葉歸舟。湘灣卅六漾。文波如縠。雪底孤篷。可記得前夜同燒銀燭。酒漬青衫。歌翻絳樹。別恨連番觸。梅花無語。滿林靜。綴寒玉。

高陽臺

舊琴。

松月潮聲。蕙煙人影。幽蘭裊入新詞。流水年芳。細囊暗換。蛛絲前身。酒病狂中散。論風懷焦尾。方知甚。吳桐寸寸冰紋。畫壁愁窺。起來還按。湘妃譜。柰神蛟倦舞。錦薦寒欺。秋老文園。瀟瀟碧斂。梧枝春絃。只被柔荑誤。把幾行金雁。差池聽清商。款款調來。可似年時。

淒涼犯

冷螢閃入簾旌暗梧階驟雨初歇篝香散盡懷中宛轉舊  
時圓月秦鷺影絕賸一角青縮山活問秋風今生那日再  
與片時熱密密湘東字翠墨秋毫素紈愁滑鬱金未浣  
憶鍼樓晚涼時節容易經年清夢斷桃笙如雪更誰禁枕  
畔絡緯語切切

望海潮

珠江月

錦帆十平幅牙檣百萬連江混潑波清蜃市乍收驪宮正  
滿一輪火齊初晴風定暮潮平早山樓水閣齊上華燈銀  
甲彈箏金魚貫酒喚娉婷無端觸忤愁生自騎羊仙去  
碧漢無情翠羽暗銷素馨零落花田一片青青往事已消  
凝賸幾行珠淚鮫帕盈盈那更春江花滿重聽蜃歌聲

漢宮春

扇子湖春望

風軟於綿盪亭臺一水綠影如煙遙看雉場草淺鶯榭花  
連春人未識試青驄楊柳隄前誰更把金魚換酒玉尊間  
款芳年 回望五雲生處已禁鐘初過萬樹陰圓沈沈鳳  
樓十二複道高懸蓬山事少但微聽宮漏遙傳早又是鳴  
珂散直來尋鷗鷺湖邊

倦尋芳慢

淡煙罨柳微雨催花深院春早燕子飛來簾捲晝長人悄  
沈水熏鑪香漸減遠山眉黛愁難掃怕黃昏便黃昏時節  
也難捱到 盼暝色高樓初上銅漏無聲銀燭低照滿架  
薔薇還倚月兒低裊曲枕頻移眠不穩羅衾乍展寒猶峭  
甚今宵數殘更夢兒偏少

燕山亭

暢園。

微雨池塘無數。白蓮開過。畫橋東去。楊柳水西一箇風亭。  
新綠溶溶圍住。魚浪吹香更。蟬影藏雲深樹。人不到時聞。  
燕梁雙語。誰念倦客長安。又看徧鶯花。怱怱歸路。鞭絲  
漸晚。人影初晴。湖山暫時畱住。故國瀟湘。知老卻幾多蘄。  
杜凝佇。又忘了明朝重午。

桂枝香

旅中秋思。

幽蛩蘚砌。正庭院黃昏。晚秋天氣。落葉西風吹作滿空寒。  
意華年。半是天涯度。暗思量。舊歡今事。蕭條書劍。淒涼絃  
管。倦游情味。黯回首。家園此際。但千嶂寒煙。都無層次。  
耿耿羈懷。說與斷鴻應寄。只愁迢遞。書難到。更關河帶將

離思鬢絲涼。怯帶圍新減。爲誰憔悴。

二郎神。

寸箋寄與。剛算到隔年離別。任紫綬情牽。綠尊心醉。冷墮  
半江飛雪。一寸柔腸。千回轉。冷落到者。番花月盼。春到梅  
梢一枝。玉瘦不堪攀折。淒切鏡鸞羞掩。鬢蟬慵貼。再休  
把閒愁無端觸。迓蹙損雙蛾翠葉。春盡鴻歸。相思錦字要  
與頻頻細說。休忘了。明歲東風。芳約杏花時節。

雨中花令

別思。

芳草淒迷。天外碧細雨。滿城寒食。怨別驚離。年年心醉。怕  
見灞橋春色。清尊強就。花前席自扶。起宿醒無力。一晌  
牢愁。一春岑寂。惟有燕兒。知得。

祝英臺近

江上遇雨。

霧初收。風未定。煙柳繫孤艇。臨水人家約略倚深徑。峭寒細雨疏籬綠。悄悄處。早扶出一枝紅杏。問江上。添得幾許春潮。鎮日沒。答管凝碧。無情芳草渡頭影。鷓鴣煙外飛來一聲聲喚。正十里春山人靜。

聲聲慢

題陳慶覃侍御傷心曲後。

蘼蕪夢冷。桃葉歌殘。簾前猶喚鸚鵡。莫道多情憔悴。東風無主。青春幾多怨抑。寫鸞絃一聲聲苦吟不得。正黃昏後也。滿庭微雨。早是凋紅損翠。更休檢生綃海棠遺譜。零落秋花。試與問花無語。當時翠樓瘦影。化纖雲沈沈遙浦。賸碧藕。綰情絲千縷萬縷。

思益堂詞鈔

長沙 周壽昌 自菴

卜算子

閏三月餞春

何處見春來。又送春歸去。芳草多情不放歸。綠斷來時路。展得一春期。便擬春長住。不是聲聲布穀催。險怪鷓鴣嗚誤。

生查子

舟中餞春

春至帶愁來。春去愁難去。愁過一春期。莫覓春歸處。風暖繫行舟。強欲畱春住。合與載將愁。篷背三更雨。

南鄉子

春影暗簾櫳。鐵馬敲簷逗遠鐘。隔著茜紗窗子。望朦朧。月

照山茶分外紅。曾記倚欄東。如雪花光照玉容。怎地封  
姨來。沒信息。恩恩瘦盡梨花。一夜風。

清平樂

卽景。

緒風絲雨苦促征帆去。一帶晚煙紫。野樹重被溼雲留。任  
洲邊竹屋參差。停船小步。些時三兩漁舟泊處。灘前立  
箇鷓鴣。

四字令

波寒似冰。鏡殘似螢。江村野柝無憑。是三更四更。推衾  
夢醒。敲篷雨零。瀟瀟滴到天明。更風聲浪聲。

金縷曲

題陳竹珊且高歌圖。

淚灑新亭雨。問蒼茫天荒地老。寄愁何處。除卻美人花月。

夜都是寂寥塵土。幸點筆歌裁金縷。一笛玉鬟能醉客。更  
喃喃訴盡鸚哥語。山影缺亂紅補。呼童洗硯波凝霧。繞  
危橋清泉白石游魚三數。拌取高歌憑解恨。轉怕歌長調  
苦。儘快意星初月午。試唱曉風楊柳曲。便絲絲怎縮。勞人  
住。浮大白爲君舞。

高陽臺

燭淚。

顆顆圓圓絲絲密密替人訴。盡離憂一寸紅冰凝寒不待  
涼秋。丹心熱透。何曾冷越。心煎越。是長流夜深不照著花  
曉。不管花愁。銅盤堆出珊瑚豔。訝靈芸唾結飛燕華。留  
雙炷。偷彈搖風頻閃星眸。歡場獨抱無言恨。便成灰。泣也  
難休。筋痕收。翦向西窗滴碎更籌。

燭影搖紅

舟中重九

前歲重陽瀟湘望斷長安月去年愁裏又重陽淚灑么弦絕今更重陽時節莽天涯從新賦別日高天遠萬里孤鴻扁舟一葉笑倒淵明醉來那管言辭拙菊花堆出萬黃金不許腰輕折多謝登高遠躡怎如看怒濤飛雪風風雨雨不盡長江大聲鳴咽

浣溪紗

綠水生煙漾碧津柳絲如雪蕩芳塵和風攔路逐游人燕子飛來波有影梨花落盡月無痕倩他留住一分春

又

何處簫聲向晚天吹來角調不成圓鞭絲帽影記當年殘日浴波紅帶暈遠山含雨綠生煙馬蹏間踏玉河邊

喝火令

綠軟苔梳鬢紅酣豆點脣一簾風雨盪吟魂待把桃花作釀和醉曠將春酒重愁無力衫輕淚有痕一春情緒費溫存便到燈時無柰得清晨便到清晨時候怎地得黃昏

菩薩蠻

新歲舟中望山

蓼蓼臘鼓催年罷江波碧瀉春如畫春到已多時梅花知不知山色隨江掩盡被東風染染得綠生生一層深一層

又

千絲萬緒愁難了愁花無語東風悄花發怨春遲鵲嚙春怎知銷愁惟有醉量淺杯空對髮白說因愁沙鷗先白頭

南歌子

思益堂詩錄 三  
雨中望西山有感。

寄信遲青鳥。開籠羨白鷗。無聊看雨獨憑闌。可惜闌干圍住不教還。雨憶瀟湘聽雲憐嶽麓。間西山鎖恨似重關。山外青山何處更無山。

又

鏤花。

珊結紅舒。燄珠垂紫。映霞看書。卻恨影微遮。笑被老妻闌住。莫挑他。卜吉雛孫笑占歡。小婢諱不知何喜。要渠誇夜夜。鏡前夜夜祝生花。

醉花陰

玉河春望。

策騎河邊初放溜。風暖吹冰。皺染柳更薰梅。百樣生新。祇有春如舊。西山遙望峯尖瘦。綠鎖林梢。秀風定晚來天。

波溼殘紅。浸得斜陽透。

齊天樂

小對竹軒坐雨。

如年長日連番雨。蕭蕭變成秋影。鵲慮巢傾。蝶懶粉溼。不止爲花愁。損西風更緊。望荒磧沙沈。遠山煙暝。何必江深。開軒叢竹翠雲冷。間門正少客。過沉沉。泥洳輟阻。誰尋幽徑。永憶江湖慣。淹歲月聽雨聽風。難準前宵。夢醒儼篷背。聲繁船脣。柝警獨泛。瀟湘篠煙。棲客艇。

江城梅花引

苦雨夜坐。

虛檐過雨響泉流。屋如舟。冷如秋。連日危欄獨倚望雲浮。月又不來天似墨。空階滴一聲聲都是愁。新愁舊愁愁未休。到眉頭。到心頭。強欲推愁。愁不去。雨更句。畱。翦燭西。



思五堂詩金  
窗兀坐數更籌。間事關心呼小婢。明早看嫩芭蕉打碎不。  
念奴嬌

張蕙甫比部李叔和舍人江亭招飲。

郊園過雨。覓江淹遺構。正堪銷夏。老輩林亭留片石。何必  
琳宮珠廈。小轂行舟。叢蘆捲浪。絕勝風帆挂西山。新霽染  
將晴翠如畫。觸念衡嶽湘流。故鄉游歷處。倍應清暇。祇  
此尋常幾茅屋。點綴盡成幽雅。酒罷狂歌。夕陽留客未肯  
催。西下吟鞭。徐返輓紅。又逐歸馬。

幔捲綢

編亡弟筱樓詩草屬姪婿王益吾祭酒訂正。

雁浦淒霜。鶴原泣月已矣。重泉閉。值露曉窗。清雨夜。鐙殘  
遺橐。徧繙吟魂。待慰想到千秋。虛名飯顆。寂寞終無味。便  
賸我梧桐半死。棠華孤放。何爲。生生世世談休。易空作

來因計更不忍。授他殘章。斷句幾多墨跡。塗污細碎。縱傍  
池塘賦成春草夢也。難成睡怕。更吟看付與微雲。秦七佳  
壻

如夢令

夾竹桃

紅雨綠雲相近。勁節也含風韻。打棹入仙源。難道主人休  
問。誰信誰信。崔護錯來廝認

惜餘春慢

落花

芍藥開餘。荼蘼放了。盡把韶華催逼。將離且任。欲墮還飛。  
片片落紅。狼籍卻喜飄殘。玉溝蹠。傍舞筵。尙供吟筆。縱無  
情。想到半拋。藩溷也應憐惜。歎白昔悲葬西施。吳宮春  
去。一例夢中。幽泣鸞腸。浪費鳳觜。空煎儘。殼燕忙鶯急。怪

怎東風太狂。特地吹開。吹殘何意快。呼童淨掃階除。莫被玉人知得。

水龍吟

月夜聞遠笛。

誰家涼夜橫吹。一聲似徹。霜天曉玉。關別恨銀階幽怨。全  
穿樹杪。葉起蟬吟。枝驚鴉睡。月窺雲早。料闌干獨凭。朱唇  
吹徹。怕斷送青春老。恰值雨停風小。恍串珠穿來。旋繞  
連綿遞送。隔牆誰擲。倚樓遠。曼斷竹音清。落梅腔遠。餘音  
難了。漫自憐聽不分明。恰更比分明好。

春光好

柳絮。

飄月曉。蕩春柔。趁煙浮。飛過小橋飛。更上畫橋頭。銜來  
雙燕啣啾。繞高樓。逐扁舟。不怨東風吹。作雪怨東流。

踏莎行

苦雨。

雲暗沈山。風寒攪樹叢。篁低戛和煙語。丙丁帖子畫成空。  
蕉窗又聽連宵雨。銷暑何人占晴無據。未秋已自含秋  
緒。江流常笑北來無。分明屋似臨江住。

摸魚兒

陳編修汝翼病死次日其妾吳氏殉之時癸未七  
月廿二日。

惜恩恩樓頭燕子。秋來留便難住。成灰紅粉猶生歎。況作  
高樓墜葉。秋最苦。見多少。西風敗草無青處。問天莫語。任  
同穴杳冥。鳩鷓和血九地。覓歸路。斷腸事爭肯徘徊。自  
誤儂心未許。人覲聞未殉節前。祇傷君。獻凌雲賦。畢竟虛  
名何補。君可悟。君不見。嚴徐東馬。皆塵土。百年似此。尚有

箇清娛夜臺寂寞隨著子長去

唐多令

雨後南下窪看蘆洲水漲邈然有江湖間意

一碧蕩蘆洲晴沙得雨流趁西風作去弄新秋絕似湘江

波色冷祇少箇釣漁舟雨霽夕陽收鐘聲撼寺樓望西

山雲氣仍浮準約重陽來載酒籬外菊試開不

擣塵集詞鈔

新化 李 洽 舜卿

壺中天

有寄

天街寒月隔碧城十二相思消瘦約略銀牆西去路隱隱  
雷聲車走綠意能通紅腔細拍半醉春微逗湘簾低捲篆  
香吹漾巾袖念否杜牧淒涼困眠紙帳一榻燈如豆屈  
戌重關飛不到默數朦朧殘漏有夢都遮無愁與訴欲睡  
沈吟又虛闌躑躅凍梅有鶴同守

摸魚兒

爲顧曲生題幽蘭隊露圖

甚西風情根寸寸等閒吹墮塵土悄無人候曾攜手默默  
芳心私許顏莫駐早悟透靈因夙蒂含愁吐問花不語記

雨過悽晨月來悲夕。總是淚零處。漫回首。夢好都無憑。  
據光陰。三過飛絮。湘娥錯把東皇怨。畢竟生天非誤。且遲  
佇。最怕聽鮑家秋唱。斜陽暮。問愁賦。與是一點幽燐。千年  
碧血。化作斷腸句。

氏州第一

滄海波懸。仙盤路迴。長河夜夜清淺。夢引情通。星能月替。  
祇有愁痕難翦。瀉入荷心。可誤被晨風吹散。屈曲絲穿。玲  
瓏酒咽。癡魂雲縉。莫念漢皋人去遠。抵多少。長門新怨。  
錦字誰緘。羅襦暗繫。又昨宵春暖。聽歌喉。低咽處。早句起。  
柔腸萬轉。十斛終量恁。鮫綃盈盈露泣。

琵琶仙

卽席呈李子才

殘醉扶來。又重認夕照。烏衣陳迹。波外閒締鷗盟。前塵盡

灰。說算紫陌東風。夢淺恰忙過。試鐙時節。柳未成。絲花如  
濺。淚總助淒咽。剛一霎。人影衣香。祇邀到當頭。昨宵月  
都把十年幽約。換牢愁。干疊贖酒伴。晨星幾箇。付睡鄉鎖  
住。冤魄莫便歸去。怱怱夕筵飄瞥。

一萼紅

與宋比部周太史夜話

數更殘。漏恁風風雨雨。釀就夜窗寒痕。偶畱泥夢。還怯水  
春情。草草闌珊。算幾日便逢寒食。漸花飛胡蝶。作成團忙。  
到鶯鶯歸來。燕燕甚事。卿干。一樣光陰。遊戲有窺牆密。  
約顧曲偷歡。似醉疑醒。欲噴成悔。無端兜惹。淒酸祇可惜。  
柳支漂蕩。縮西東。遮莫浪栖攀。試問銅盤蠟燭。淚爲誰乾。

又

中秋題壁

雨餘天悄晚霞淨捲高湧素輪圓殿宇森寒蓬瀛清澈此  
意待證羣仙猛回首關河歷歷試默省歸思在秋先遼海  
塵沙金臺幻夢老卻游鞭凝望家山何許認九疑縹緲  
雲影聯綿桂蕊簪金竹枝戛玉團坐兒女嬋娟可憶否天  
涯倦客吟魂遠飛渡洞庭船坐久霜華沁骨瘦枕欹眠

又

味琴自山東來出一萼紅詞蓋於旅肆見人和予  
中秋題壁之作因而感和者詞意悽婉殊難爲讀  
適石生招飲酒闌賦此奉答并寄懷汪六釋松兼  
呈苻農芾叔竹人

訴幽心積相思幾寸黃葉碧波深磨迹回旋輪躡銷歇天  
涯綠徧園林看脫手新詞似彈觸舊題秋月十分臨虛說  
籠紗浪傳畫壁五載流陰聽罷樓頭晨鼓笑那知許事

爛漫同斟劔斫耐餘絃翻誤後更闌星斗沈沈細檢點酒  
人無恙祇汪倫不共醉時吟待到花鈿狼藉沒處追尋

浣紗溪

彈指光陰偏禁煙曉風吹夢不成圓早無消息到儂邊  
春色二分流似水碧城千丈遠於天芙蓉密字待誰傳

又

夜坐

颯颯秋聲百轉逢是煙是月總朦朧思量寸寸是虛空  
踏雪了無痕可覓行雲猶許夢能通卻愁屈戍鎖重重

又

簾箔沈沈晝影遲忽擊忽憶忽相思朝朝暮暮少年時  
曉鏡都誇眉月小西風不爲鬢雲吹略無幽怨逗冰絲

玉京謠

已是看春去。鴻爪迷離意。共東皇。嬾喚苦嘯。鵲聲聲空迸。  
哀怨恁夕陽。燕子歸來。祇冷落。誰家庭院。殘紅滿樓臺。簾  
幙黃昏。尋徧。誰教咫尺如天遠。驀相逢。又愁牽淚濺。細  
細宵長。朦朧幽夢。難喚聽。隔窗密雨。絲絲到枕畔。將魂同  
縮。鎮長見。莫任罡風吹斷。

菩薩蠻

息。息。去也來何暮。夢中覓徧。相思路。風急五更寒。門前山  
復山。悲。喚牽萬種愁。壓眉纖重入骨。淚痕深。要郎知此  
心。

水龍吟

有贈并索美人畫幅。

嫩寒纖雨。依微晚妝。怯倚簾幙。薄鴨鑪。翠裊猩瓶。紅溼芳  
心。遐託脂點黏唇。波痕浸腕。一枝柔約。乍生綃。細展閒愁。  
淡埽春色。在眉山著。韻事而今寂寞。恰香閨占將清樂。  
金釵度曲。烏絲寫豔。流霞遞酌。斷夢湖南。輭塵燕北。同嗟  
栖泊。看東風漸老。幽娥素絹。肯忘前約。

垂楊

留別周仲堅

秋風信早有。晚蟬細柳。夕陽煙杪。忽唱將離。算程燕楚。關  
河杳。綠誰絲鬢。紅塵道。戍笳起塞鴻。淒草瞬。搏沙隻影。天  
涯賸別腸。輪繞。如飲醇醪。絕倒記零露曉窗。夜涼亭沼。  
半載萍依。東軒風月。開愁抱。年華暗換。心如擣猛。振觸襟  
期蓬島。待重來。卻話巴山春漫老。

揚州慢

留別孫晴齋。

積漠沙塵。邊樓煙雨。論交算是心知。猛淒颺乍厲。觸別緒。

絲絲正涼夕。蟲吟幽怨冷。鏡凝豆螢影。侵幃柰浮雲蹤迹。  
無端又惹沾衣。稻梁作計笑天涯。何事奔馳早射虎山。  
空盤雕路迴。怕說襟期家在洞庭深處。湘波碧都是相思。  
念人間滄海朝朝多少遷移。

思嘉客。

香篆輕凝漏未闌。畫堂西角暫憑欄。桂排芳蕊垂金粟。蓮  
剝冰心浸玉盤。杯重把鏡同看。半牀幽夢五更寒。城頭  
蟾兔蒼涼影照我。離愁第幾番。

念奴嬌

梅花。

紫雲飄墮正黃昏。三弄臨風鳴咽。照影驚鴻。修竹暮一樹  
幽香清絕。翠袖籠寒玉。肌帶暈漫說。經霜雪。巡檐低問林  
梢飛上新月。應念雨約雲期。橫波悄注未忍。輕攀折。祇  
恐芳華容易減。浪惹去蜂來蝶。枝老肥紅。陰濃瘦綠。便是  
愁時節。更持殘燭拍歌腸。斷將別。

齊天樂

桂平感舊。

西風吹上潘郎鬢。添來舊愁無數。笛裏關山。尊前月露。酒  
醒曾聞殘語。哀絲乍訴。記人海幽期。斗增別緒。兩載重來。  
鞭絲空自漬塵土。淒涼怕尋往夢。悵隨風柳絮。已將春  
去。桂冷驚寒。蓬飄怨遠。莫問相逢何處。征鞍暫駐。笑滿眼  
箏琶都非前侶。且自孤吟和蟲階細譜。

高陽臺

邵陵途次得舍弟書。卻寄并呈彭暄午。  
塞月悽魂。湖波盪魄。殘年萬里歸來。三載征輪。團圓算是  
今纔。浮雲便有看山興。約同心。弔古荒臺。渺塵埃。鈿鈿潭

邊一片蒼苔。萍蹤已分飄零慣。祇長頭弱弟，愁抱難開。  
霜鬢無情，那堪鏡裏潛催。秋風屢負連牀約，促飛鴻急響。  
淒哀悄，裴徊知否，郵亭一樣羈懷。

滿江紅

登雙清亭同暄午作用呂聖求體。

蠡道千盤，孤亭在、汪心矗峙。寥天闊，四圍雲水，林翠靜從。  
欄檻落，幽巒峭共。樓臺倚數，歸帆無數。夕陽明，微風起。  
襟袖潤空濛，裏歌嘯發，樽罍底。剔蒼苔遺碣，手捫殘字寶。  
墨蒼涼者，舊渺謂程春海學使白波浩蕩，浮生寄訪靈蹤。  
吾欲結茅菴，從茲始。

眉嫵

香河初度書懷。

悵燕臺春寂，楚澤書沈，三載客游倦。馬齒看遲暮，金風起。

星星塵鬢，催換百年，漸半問病魔何事。依伴猛追省，莫鑄  
回頭錯老，身世蓬轉。往事重重，虛幻把意根細掃。情蒂  
輕翦，忽憶平湖杳。長空外，關山驚被兵燹，夢魂快遠。料故  
園三徑，秋怨怕醉倚闌干。高樹咽，蟬碧斷。

賀新涼

去歲苻農賀余七夕詞有真見綠華親降我聽北  
風，幫帶溫言細之句，蓋紀實也。振觸前塵，重拈此  
闕時在香河署中。

雲外河梁影，訂幽懽，迢迢此夜。玉牋渡穩霞，佩霓裳，香霧  
溼水面，無波風定。看十二闌干，低並說到年時離緒。惡悔  
無錢帝遣東西，迴漏遲唱夢休警。天街寂寞，笙歌冷，早  
隔斷西飛青鳥。碧城芳訊，昨歲相如秋病苦。勞汝綠華親  
問空，賸得劫灰成寸未，必橋邊猶憶我。祇漫漫，怨海難填。



恨星隱約月重暈

疏影

歌者杜夔雲善畫蘭芋仙贈以詩癸丑秋倩夔雲  
畫扇贈許曉東戲題此并柬芋仙。

芳心一掬迸墨魂。栩栩微逗清馥。密雨驚秋涼意生。毫蕭  
疏淡埽新綠。靈根似悟風沙苦。早默許知音空谷。看碧街  
萬點紅飄。誰似此香貞獨。爲有幽人勝賞。幾曾睡夢裏  
忘了高躅。試聽聲聲伏枕吟餘。但祝雙飛雙宿。團圓併結  
來生願。更休唱琵琶哀曲。問甚時拋卻歌衫。同把玉鏡輕  
刷。

又。

東風輕薄把名園處處捲。地吹落怕上高樓。干點愁人。一  
片花飛減。卻杜鵑促送韶光去。欲駐景恨無良藥。祇淒涼。

語燕重來闖入水晶簾箔。莫說當年韻事。悵風景不遠  
春夢如昨。無處追尋。空對尊前滿眼綠雲簾幕。絲絲縱有  
垂楊綫。繫不住萍飄絮泊。但沈吟排日芳醪。移就水邊清  
酌。

湘綺樓詞鈔

湘潭 王闖運 王秋

玲瓏四犯

夜來花

瘦蕊濃花漫不管人愁香滿涼夜欲睡還休長記玉窗燈  
下冰簟夢醒惺惺誤茉莉暗兜羅帕想帶煙霧露無語開  
遍鬧庭間榭一年容易秋還夏望銀河月斜星亞玉眞  
白許禁離別饒晚妝嬌姪聽到絡緯一聲還繞向翠藤雙  
架那夜西風裏湘幫拽處散香和麝

長亭怨

紙煤

正妝罷搓胭掐粉早又拈起筋圓輕褪巧削蔥根細吹蘭  
氣口脂暈酒邊茶後頻敲處微紅印看似碧蕉心不許展

春風一寸。香盡怎知香歇。後剛被冷茸雷燼。殷勤記取。喜羅袖暗籠。低技問。那日細寫相思。待燒了成灰。教認莫點作孤燈。長是照人離恨。

睡鶴仙

賦得燈前細雨檐花落。

別愁萋滿院。正晚來疏簾和雨都卷。春痕背鏡見。又煙絲碧潤露華紅。斷瀟瀟綫綫繞回闌。寒輕夜淺。被東風迤逗。相思剛落檐花一片。休縫紅樓隔冷珠箔。通光作去。成閨怨。天涯縱遠。詩共酒儘消遣。但西窗翦燭。東闌對雪。年時幾回相見好。殷勤愛惜良宵。莫催銀箭。

醜奴兒

西湖千古多情地。畫舫紅燈寶鈿香塵流水。年年照麗人。休提倚翠。偎紅事細。數青春瘦盡。吟身三十看花是。老

人。

摸魚兒

洞庭舟望用稼軒韻。

問汀洲幾多芳草。青青遠黏天去。少年兒女春閨意。又對流光重數。畱不住。煙波恨。逡巡踏徧湖邊路。憑闌不語。待更不傷心。此心仍似一點未飛絮。人間事離合悲歡總誤。無情猶有癡如愁來漫寫。登樓賦。未遇解人。休訴梁燕舞。還只恐洞庭也化桑田。土當年戰苦。誰更憶周郎風流。盡在千古浪淘處。

芳草

水仙花自山谷有一笑江橫之句。以關西大漢嚇十八女郎。膽破矣。作此正之。

又相逢深寒簾幙晴光。燈燄參差素蘭羞葉瘦。銅瓶湘几。

外占春宜。瑤姬慣嫁。甚遠來。暗損腰支。看萬里輕車細馱。  
玉蕾瓊肌。拋離一分塵土。不須風露。自省芳時嫩。黃三  
四箭。暗香疏影。地搖曳。煙颺伴晨妝。夜盥卻未妨。汚粉凝  
脂。怪只怪橫江一笑。誤了幽期。

八六子

藕池春泛。

更無風漫流。平碧輕舟漾到鷗邊。看遠浦隔回江。浪夕陰  
畱住春煙。離情那天。清和芳草。絲絲休道。別愁難摸。一  
時載滿湖船。憶膩水脂紅粉。嬌桃嫩惹衣香。沁露霑葉熱。  
如今獨自憑闌望。眼遙山黛色依然。早娟娟前番明蟾。又  
弦。

探芳信

定王臺六日探梅。

探梅信看乍入新年。東風相趁喜詞人。依舊韶光豔華鬢。  
幾年人日尋芳約。春早佳期近。更多情逗酒。迎香鬪詩催  
韻。紅綻北枝。認似漢月窺檐。湘煙長暈。雲籠臺前游屐。  
沒苔壘。登臨共道。遨頭好花與人俱俊。料今年先占一分  
春穩。

齊天樂

天津六月聞蟬作用吳音叶韻。

綠槐涼雨高樓靜。淒淒嫩聲還咽。楚夢無憑。蜀魂乍返。不  
記甚時相別。寒吹玉葉。是早日聽伊弄音。清切得意初來。  
一庭花影。送長笛。如今素秋又接。便孤吟到夜空。伴嘯  
蟀。南國芳華夕陽。弦索打疊。羅衣收歇。西風漫曳。斗驚起  
離心。玉壺冰熱。細算流光。喚人愁第一。

倦尋芳

湖曲待風寄半山。

小舟困懶曲激彎環細雨風翦春去宵寒漫道柳絲煙暖  
前浦燕來看似熟暮雲鳩語如相喚但朝朝被新潮賺去  
隨風吹轉料別後紅窗暗坐計日量程早過巫巘肯夢  
相尋夢定比人行遠自是無心隨去棹爭知有恨銷年箭  
怕怱怱作去桃源迷仙劉阮

宴清都

和盧蒲江。

春夢無拘管人去後粉牆花影撩亂分明月在闌干倚處  
佩香猶暖茶蘼似肯相伴過夏雨池臺綠換只刺藤曾罨  
羅帶橫斜占了西苑窗前帕印脂冰牀偎簟汗嬌笑如  
見重簾暫護芳塵莫埽一方空院良緣若道真斷怎猶得  
澈情在眼耐思量惟有閒愁依依傍晚

長亭怨

沙頭晴望時法夷封海江輪船自滬至宜昌尙無  
讖禁也。

望潮外層陰乍霽又引天際送春餘困半老江湖怨晴愁  
雨沒期準沙頭風色從來是催離恨五渚任興亡莫負了  
浮花融粉雲隱但看流水去誰管佳人遠近征帆似筍  
指吳蜀浪高濤憤正渺渺萬里煙波楚宮外柳絲吹盡便  
跨海樓船不抵鴟夷人穩

夜合花

和孫季蕃。

眉語兜歡頰窩添笑教人無那涼宵鳳帷雙掩香魂暗共  
釵搖愛嬝娜作去憇嬌把雲衣皺折紅綃翠鴛濃睡防他  
夢醒莫把鐙挑前度暗咽瓊簫怨春風夢遠枕上遙遙

羅帶半幅誤翻酒污難消香篆冷鈿雲廳好畱仙捻住纖腰怕伊重見眼波溜處羞也麼潮

輓轆金井

廢圃尋春見櫻桃花感賦

玉窗長別分今生不見淚痕彈粉春夢潛窺鶯相逢傍晚亭亭似問背人處倩妝誰認朝雨香殘斜門煙瑣費他思忖常時上林芳訊見玉妃侵曉撩亂雙鬢妬殺天桃占東風不穩如今瘦損記前度挂心提恨又欲成陰一時判與早鶯銜盡

貢珠簾

送竈


饊甜粥嫩催年事年剛被爆竹今宵催起夜雪悄生寒趁壺觴先醉里巷人家爭節物早廚辦一杯香水迎歲便獅



頭臘鼓牛鞭春意一獨念暮景團樂自寒扉掩後銜煙冷膩語笑舊兒童悔棗梨嬉戲鏡聽無人重跪拜但老去菱花羞對憔悴更憑誰說與夢華前記

八音諧

成都寄張永州

雲暗少城東看夕陰昏處新綠初顯惆悵獨歸路送天邊春眼湘水汎舟何時早燕子分明牆上見算別後便佳期誤了垂楊如綾七載西山看暮雲料舊夢無迹郡齋苔煖游屐更茗遙獨唳鵲相喚有些殘賸山川對暮色付教天管客裏放春歸訝道楚江湖滿







中國書店(經)  
2册  
20元